

3-сонли шартнома

«Истеъмолчи»ларга ичимлик ва оқова суви хизматларини кўрсатиш учун

«7» Январ 2022 й.

Ушбу шартномани «Бухоро сув таъминоти» МЧЖ Қорақўл туман филиали, кейинги ўринларда «Сув таъминот» деб юритилади. Низом асосида фаолият юритувчи раҳбари Б.Қўчқоров шахсида, бир томондан ва кейинги ўринларда «Истеъмолчи» деб юритилувчи Бухоро давлат университети Қорақўл академик лицейи номидан иккинчи томондан Устав, ишончнома асосида иш олиб борувчи директори Ғ.Ҳ.Жумақулов, иштирокида куйидагилар ҳақида тузилди:

I. Шартнома предмети

1.1. 2022 йил учун сув етказиш ҳажми учун тузилган шартномага мувофиқ юридик ташкилотлари (бундан буён матнда II гуруҳ «Истеъмолчи» лари деб юритилади) учун сув етказиш 4420 нарх бўйича 1357 м³ни:

1 м³ ичимлик сув учун 3800 сўм (+ҚҚС 15%), + 620 сўм (махсус устама ҳақ)ни;

1 м³ оқова сув учун 0 сўм (+ҚҚС 15%), + 0 сўм (махсус устама ҳақ)ни ташкил қилмоқда.

Шу тарика шартноманинг умумий қиймати Тўрт юз ўн бир минг олти сўмни ташкил қилди. (сумма ёзув билан)

Шу жумладан, бюджет маблағларидан 5 997 940 сўм, бюджетдан ташқари маблағларидан 0 сўм бюджетдан ташқари маблағлардан тўланиши кўзда тутилган.

II гуруҳ истеъмолчилари Қоидаларда белгиланган тарзда «Сув таъминот» томонидан тақдим қилинган ҳисобварақ-фактураларга асосан, Молия вазирлиги Ғазначилиги орқали сув таъминоти ва оқова сувини чиқариш учун ўтказилган маблағлар орқали амалга оширилади.

1.2. «Сув таъминот» «Истеъмолчи»ни сифатли ичимлик сув билан таъминлаш ва «Истеъмолчи»дан оқова сувларни қабул қилиб олиш мажбуриятини ўз зиммасига олади.

1.3. «Истеъмолчи» «Сув таъминот»га ичимлик ва оқова сув хизматлари учун тўловларни ҳар ойнинг 10 санасигача 100 фоизлик олдиндан ҳақ тўлаш тарикасида амалга ошириш мажбуриятини ўз зиммасига олади.

1.4. Тарафлар ушбу шартноманинг ичимлик ва оқова сув хизматлари бўйича шартларини бажариш, Ўзбекистон Республикасининг қонунчилиги талабларига, Ўзбекистон Республикаси Вазирлар Маҳкамасининг 2014 йил 15 июлдаги 194-сонли қарори билан тасдиқланган «Истеъмолчиларга сув таъминоти ва оқова сувини чиқариш хизматлари кўрсатиш Қоидалари»га (кейинчалик матнда – Қоидалар деб юритилади), ҳамда маҳаллий ҳокимият томонидан тасдиқланган махсус устама ҳақи 1 м³ ичимлик сув учун сўм, 1 м³ оқова сув хизмати учун сўм билан бирга «Сув таъминот» томонидан тақдим қилинган ичимлик ва оқова сув тизимига уланиш учун рухсат этувчи ҳужжатларга риоя қилиш мажбуриятини ўз зиммасига олади.

II. Умумий қоидалар

2.1. «Истеъмолчи» «Сув таъминот» ташкилоти рухсати билан ва у техник имкониятларни мавжуд деб топган ҳолатларда, ўз тасарруфидаги ичимлик ва оқова сув тармоқларига, иншоот ва қурилмаларга субистеъмолчиларнинг уланишига рухсат бериш ҳуқуқига эга.

2.2. «Истеъмолчи» билан субистеъмолчи ўртасида тўлов масалаларида пайдо бўладиган низолар «Сув таъминот» ташкилоти томонидан кўриб чиқилмайди.

2.3. Агар «Истеъмолчи» ва унга уланган субистеъмолчи турли гуруҳ ва тоифали истеъмолчиларига мансуб бўлса, «Сув таъминот» ташкилоти билан шартномани «Истеъмолчи» ҳам, субистеъмолчи ҳам тузади ва сувни ҳисобга олиш приборини ўрнатиш ҳар иккаласи учун ҳам мажбурий ҳисобланади.

2.4. Ичимлик сувдан дов-дарахтларни сугориш учун фойдаланилишига куйидаги истисно ҳолатларда йўл қўйилади: ирригация суви бўлмаганда, Сув таъминот ташкилоти қуввати мавжуд бўлганда ва маҳаллий давлат ҳокимияти органлари томонидан тасдиқланган жадвал бўйича, фақат тунги вақтда (соат 00–00 дан соат 05–00 гача) йўл қўйилади.

2.5. Ичимлик ва оқова сув хизматидан истеъмолчи хўжалик-истеъмол, маиший эҳтиёж ва ёнғинларни ўчириш ҳамда технологик ва ишлаб чиқариш жараёнлари учун фойдаланилади.

2.6. Сувни ҳисобга олиш асбоблари Ўзбекистон стандартлаштириш, метрология ва сертификатлаштириш агентлиги томонидан текширилган ва таъминланган бўлиши ва сув ўлчаш тармоғи сув-коммунал хўжалиги ташкилоти томонидан таъминланади. Шунингдек ичимлик сувини ҳисобга олиш ускунасини ечиш, қислашдан ўтказиш ва ўрнатиш тартиби Ўзбекистон Республикаси Вазирлар Маҳкамасининг 20.08.2019 йилдаги №-698 сонли қарорига мувофиқ юритилади.

2.7. «Истеъмолчи»га ўрнатилиши лозим бўлган сув ўлчаш приборининг шартли ўтказгичининг диаметри (калибри) ҳисоб-китоб асосида аниқланади, объектнинг максимал сув истеъмоли ва минимал сув истеъмолига текширилади ҳамда «Истеъмолчи» билан келишилади. Ҳисоблаш прибори учун ўрнатилган минимал истеъмол миқдоридан кам миқдорда сув истеъмол қилинганда, «Сув таъминот» ходими сув ўлчаш тармоғини қайтадан қурилма билан таъминлаш учун кўрсатма беради, ушбу кўрсатма бажарилмаганда, ҳисоблаш приборининг кўрсаткичлари қабул қилинмайди ва ҳисоблаш Қоидаларда ўрнатилган тартибда амалга оширилади.

2.8. Ичимлик ва оқова сув хизматлари хўжалигининг қайта таъмирлаш (реконструкцияси), ҳисоблаш приборларини ишга тушириш, ҳисоблаш приборларини алмаштириш, янги субистеъмолчиларнинг уланиши «Истеъмолчи» томонидан фақат «Сув таъминот» тарафидан тасдиқланган техник шартлар ва лойиҳа асосида амалга оширилиши мумкин бўлиб, улар «Истеъмолчи»нинг сўровномаси асосида, барча тасдиқловчи ҳужжатларни илова қилган ҳолда берилади. «Сув таъминот»дан олинган техник шартлар асосида, «Истеъмолчи» буюртмасига асосан, амалдаги меъёр, қоидалар ва бошқа меъёрий ҳужжатлар асосида ишлаб чиқилади.

2.9. Қурилган уламаларнинг ишга туширилиши «Сув таъминот» томонидан, «Истеъмолчи» ва қурилиш ташкилот вакилларининг иштирокида амалга оширилади.

2.10. Ичимлик ва оқова сув хизматлари учун тарифлар ва устама ҳақ миқдори ўзгарган санасидан қатъи назар, ушбу хизматлар юзасидан «Истеъмолчи» билан тузилган шартнома ўз кучини сақлаб қолади ва «Истеъмолчи» кўрсатилган хизматлар учун, янги тарифлар асосида, улар киритилган санадан эътиборан тўловларни амалга ошириши шарт.

2.11. Қуйидагилар «Сув таъминот» ташкилотлари билан «Истеъмолчи»лар шу жумладан, хусусий уй-жой мулкдорлари ширкатлари ўртасидаги, ичимлик ва оқова сув хизматлари тармоқлари, иншоотлари ҳамда қурилмаларига хизмат кўрсатиш, уларнинг техник ҳолатини сақлаш ва фойдаланиш юзасидан жавобгарлик чегаралари ҳисобланади:

а) ичимлик сув истеъмоли учун — тармоққа уланишини узиб қўювчи кириш қулфи. Кириш қулфи билан ичимлик сувга уланиш, «Истеъмолчи»нинг ички ичимлик суви тизимининг бир қисми ҳисобланади;

б) оқова хизмати учун — «Истеъмолчи» оқова тизимининг ички қисми ҳисобланувчи, магистрал оқова тармоғига уланиш нуқтасидаги чиқарув қудуғи. Агар чиқарувчи оқова қудуғи (камераси) магистрал оқова тармоғида жойлашган бўлса, ушбу қудуқ «Сув таъминот» ташкилоти оқова тармоғининг бир қисми ҳисобланганиб, унга туташтирувчи фойдаланиш чизиги эса «Истеъмолчи»нинг маблағлари ҳисобидан амалга оширилади.

III. Тарафларнинг ҳуқуқ ва мажбуриятлари

3.1. «Истеъмолчи»нинг ҳуқуқлари:

3.1.1. Тегишли сифат даражасидаги ичимлик сув ва оқова сув тармоқларига хизмат кўрсатиш талабларини бажармаганлиги учун «Сув таъминот» ташкилотидан қонунчиликда ва шартнома шартларида кўрсатилган миқдорда жарима (пеня)лар тўлашни талаб қилиш;

3.1.2. «Сув таъминот» ташкилотини шартномани бекор қилиш тўғрисида, унинг бекор қилинишидан қаида 15 кун олдин огоҳлантирган ҳолда ва ушбу муддатда сув таъминоти ёки оқова сувни чиқариш бўйича кўрсатилган хизматлар учун тўловларни тўлик амалга оширган ҳолда шартномани бир томонлама бекор қилиш;

3.1.3. Ичимлик ва оқова сув хизматлари учун амалга оширилган тўловларнинг ҳолати, қарзларнинг йўқлиги ҳақидаги маълумотлар ва маълумотномани шахсан ёки ўз вакили орқали бепул олиш;

3.1.4. «Сув таъминот» ташкилотидан ичимлик ва оқова сув хизматлари ҳажми ва сифати, уларни амалга ошириш шартлари, тўловлар тарифи ва тартибларининг ўзгариши ҳақидаги маълумотларни бепул олиш;

3.1.5. Ичимлик ва оқова сув хизматлари кўрсатилмаётганлиги ёки уларнинг паст сифатда эканлиги тўғрисидаги далолатнома тақдим этилгандан кейин 18 соат мобайнида «Сув таъминот» ташкилотидан носозлик ва камчиликларни бартараф этиш бўйича маълумотларни олиш;

3.2. «Истеъмолчи»нинг мажбуриятлари:

3.2.1. Оқова тармоғида авария бўлган тақдирда ертўла хоналарини сув босишдан сақлайдиган барча ўчирувчи қурилмаларнинг бут сақланганлиги, ишга яроқлилиги ва нормал техник ҳолатда бўлишини таъминлаш;

3.2.2. Истеъмолчиға қарашли санитария асбоблари, оқава тармоқлари, иншоот ва қурилмаларда тамбанинг йўқлиги, ревизияларнинг зич ёпишмаси (тикилиб қолиш, сув босиш) содир бўлиши сабабли ертўла хоналарини сув босиши оқибатида етказилган зарарни қоплаши;

3.2.3. «Сув таъминот» ташкилоти билан ҳисоб-китоб қилиш учун фойдаланиладиган сувни ҳисобга олиш прибори, айланма линия зулфини, ёпиқ зулфинлари, гидрантлар ва унинг ҳудудида ёқи тасарруфида бўлган ҳамда «Сув таъминот» ташкилоти томонидан пломбаланган бошқа ичимлик суви қурилмаларидаги пломбаларнинг бутлиги ва сақлаш;

3.2.4. Шахар сув билан таъминлаш ёқи оқава сувларни узатиш тармоғига уланишдан олдин, «Сув таъминот»дан белгиланган тартиб асосида (ДХМнинг хати асосида) Техник шартларини олади, унга сув таъминлаш ёқи оқава сувларни узатиш тармоғининг ва ўзига тегишли шахар сув тармоғига уланган барча объектларнинг жойлаштиш лойиҳасини тақдим этади. «Истеъмолчи» шахар сув ёқи оқава сувларни узатиш тармоғига уланиш ёқи узатиш харажатларини ўз зиммасига олади.

3.2.5. «Сув таъминот» ташкилотига ичимлик ва оқава сув тармоқлари, иншоотлари ва қурилмаларининг шикастланиши туфайли етказилган зарар учун қонунчиликда белгиланган тартибда жавобгарликни буйнига олади;

3.2.6. Шахар сув тармоғига уланган ҳар бир қувурига сув ўлчаш йиғмаси (сув ўлчаш ва сув туткич асбоби)ни Қоида асосида қулай ва химояланган жойда, ўрнатиладиган сув ўлчачи шартли ўтказмаси (калибри)нинг диаметри «Сув таъминот»нинг ҳисоб-китоби билан аниқланиб, объектнинг максимал ва минимал сув истеъмоли текширилгач, тегишли рухсатнома берилган ўрнатишни амалга оширади. Сув ўлчачи йиғмасини харид қилиш ва уни ўрнатиш билан боғлиқ барча сарф харажат «Истеъмолчи» зиммасига бўлиб, у сув ўлчачи қурилмаси, унинг техник соҳа ҳақида хабар беради, ўлчачини турига қараб, ичимлик сувини ҳисобга олиш ускунасини ечиш, қиёслашдан ўтказиш ва ўрнатиш тартиби Ўзбекистон Республикаси Вазирлар Маҳкамасининг 20.08.2019 йилдаги №-698 сонли қарорига мувофиқ юритилади. «Истеъмолчи»га бу учун 1 ой муҳлат берилади, белгиланган муддат ичида қиёсловдан ўтказилмаган тақдирда сув сарфи шартномани 6.2 бандига асосан ҳисобланади.

3.2.7. Истеъмолчи сув ўлчачи йиғмасидаги муҳрларнинг сақланишини назорат қилади ва бузилган ёқи сув ўлчачи ишдан чиққан ҳолларда «Сув таъминот»га зудлик билан ёзма равишда хабар беришни ўз зиммасига олади. Хабар берилмаган тақдирда ёқи «Сув таъминот» ходимлари томонидан аниқланган ҳолатда сув сарфи белгиланган тартиб асосида ҳисобланади (шартноманинг 6.2 банди). Сув ўлчаш асбоблари «Устандарт» органлари ёқи уларнинг ваколатли қорхоналари томонидан текширилишини, муҳрланишини ҳамда доимий текширувдан ўтишини ўз ҳисобидан таъминлайди. Сув ўлчаш асбобини таъмирлаш ёқи алмаштириш, текшириш мақсадида ечиб олишдан олдин «Сув таъминот»сув ўлчачини охириги кўрсатмаларни ёзма тасдиқлайди.

3.2.8. Ичимлик суви таъминотининг ёнғинга қарши тизимидан фойдаланиш тўхтатилганда «Истеъмолчи» 24 соат мобайнида «Сув таъминот» ташкилотига тамга узилгани тўғрисида далолатнома тақдим этиши ва зулфинлари тамғалаш учун «Сув таъминот» ташкилоти вакилини чақириб шарт.

3.2.9. Мазкур шартнома имзоланиши жараёнида ўз қарори ва буйруғи билан (келгусида ўзгарган ҳолатида) ички сув етказиш тармоғига, сув ўлчачи асбобларига ва қорхона ҳисоботларини тақдим этиш учун масъул бўлган жавобгар шахсини тайинлаб, «Сув таъминот»га уларни тақдим этади. Истеъмол даври бошланиши ва келгуси хар йил бошида ойлик сув истеъмол миқдорини «Сув таъминот» билан келишиб, тасдиқлайди.

3.2.10. «Сув таъминот» вакилини сув ўлчаш асбоби ўрнатишнинг жойини ва сув тармоғини инсталланган пайтда бирор бир тускинликсиз кўздан кечиришни таъминлаши шарт. Акс ҳолда жорий ой учун сув сарфи шартномани 6.2 бандига асосан ҳисобланади.

3.2.11. Шахар сув тармоғига қонуний улангани, фойдаланилаётган сув ускуналарининг носозлиги ва ўз ҳудудидаги ичимлик сувидан беҳисоб, тежамсиз сарфлангани учун «қоидалар» асосида жавоб беради.

3.2.12. «Сув таъминот» билан тузилган шартномага мувофиқ мажбуриятларига риоя қилиш, хар ойнинг 20 дан 25 гача санасида кўрсаткичларни ўз вақтида ва аниқ ечиб олиш ҳамда ушбу кўрсаткичларни «Сув таъминот»га кечикмаган ҳолда ҳисобот ойда сарфланган ичимлик суви бўйича ваколатли шахслар томонидан имзоланиб, муҳри билан тасдиқлаган ҳисоботни топширади, ичимлик сувини етказиб бериш ва оқава сувларни қабул қилиш хизматлари учун амалдаги тарифлар асосида «Сув таъминот»нинг ушбу шартнома бўйича кўрсатилган бошқа хизмат тўловларини ўз вақтида тўлаб боради. Ҳисобот белгиланган муддатда топширилмаганда шартноманинг 6.2 бандига асосан ва ёқи ундаги маълумотлар қамайтириб кўрсатилган ҳолларда эса ичимлик сув сарфи ҳисобот даври учун шартноманинг тегишли бандига асосан қайта ҳисобланиб, тўловга қабул қилинади. Агар ҳисобот тақдим этиш жараёнида, «Сув таъминот» ходими унда хатоликлар аниқлаб, тузатиш киритиб, нусхасини қайтаради. Истеъмолчи томонидан мазкур ўзгариш, тузатишлар асосида ўзининг ҳисоботларини 3 кунлик муҳлатда «Сув таъминот»га қайта тақдим этиши шарт, акс ҳолда бу тузатишлар билан топширилган ҳисобот асосли, ҳақиқий деб ҳисобланишига олиб келади ва фойдаланилган миқдор учун тўловни амалга оширилишини талаб қилишга асос ҳисобланади.

3.3. «Сув таъминот»нинг ҳуқуқлари:

3.3.1. «Сув таъминот» ташкилоти, истеъмолчини 7 кун аввал ёзма равишда огоҳлантирган ҳолда, қуйидаги ҳолатларда суви узатиш ва оқава сувларни қабул қилишни тўлиқ ва қисман тўхтатиши мумкин:

а) «Истеъмолчи»га тегишли ва унинг тасарруфида бўлган ичимлик ва оқава сув тармоқлари, қурилма ва иншоотларнинг техник ҳолати қониқарсиз бўлганда ва «Сув таъминот» ташкилоти вакиллари томонидан аниқланган техник фойдаланишдаги хатоликларни бартараф этиш бўйича «Сув таъминот» ташкилоти талаблари истеъмолчи томонидан бажарилмаганда;

б) «Сув таъминот» ташкилот мансабдор шахси истеъмолчининг суви ҳисобга олиш узели, ичимлик ва оқава сув тармоқлари, қурилмалари ва иншоотларини назорат қилиш ҳамда суви ҳисобга олиш прибори кўрсаткичларини қайд этиш, пломбаларни ўрнатиш мақсадида кўздан кечириш, белгиланган лимитдан кўп сарф қилинганда сув беришни мувофиқлаштириш ва «Сув таъминот» ташкилоти нарядлари бўйича бошқа ишларни бажариш учун келганда истеъмолчи томонидан асоссиз равишда киритилмаганда;

в) «Сув таъминот» ташкилоти томонидан истеъмолчи уланган ичимлик ва оқава сув тармоқлари, қурилмаларида режали-огоҳлантириш тарзида таъмирлаш ҳамда хизмат кўрсатиш ишлари ўтказилганда, шунингдек, янги истеъмолчиларни улаш ишлари амалга оширилганда;

г) «Истеъмолчи» тасарруфида бўлган ичимлик ва оқава сув тизимлари ёқи тармоқларига субабонентларнинг ўзбошимчалик билан улангани аниқланганда;

д) «Истеъмолчи» томонидан ичимлик ва оқава сув хизматлари учун белгиланган муддатларда ҳақ тўланмаганда;

е) «Истеъмолчи»нинг тасарруфида бўлган ичимлик ва оқава сув тармоқларига, қурилмаларига «Сув таъминот» ташкилотидан уланиш учун белгиланган тартибда рухсатнома олган субабонентларнинг тегишли тартибда уланиши рад этилганда;

ё) «Истеъмолчи» томонидан шартнома шартлари бажарилмаганда ва у окимизлаётган оқава сувлар миқдори ва таркиби бўйича шартларга риоя қилмаганда.

3.3.2. Сув ўлчаш асбобларнинг кўрсаткичини, уларнинг муҳрини сақланишини ва бутунлигини кузатиб боради. Аниқланган камчиликлар юзасидан «Истеъмолчи»нинг вакили шитирокида далолатнома тузади ва «Истеъмолчи»га амал қилиш учун кўрсатмаларни беради. «Истеъмолчи» юқорида кўрсатилган ҳужжатга қўл қўйишдан бош тортса, далолатнома нусхаси унга топширилиб, бунда у ўзининг ёзма эътирозини асослаб 2 кунлик муддатда тақдим этиши шарт, акс ҳолда бир томонлама тузилган далолатнома қонуний ҳисобланиб, мазкур ойда ҳисоб китоб учун ҳисобхонага тўлов ундиришга қабул қилинади. Агар келгусида мавжуд қарздорлик ихтиёрий тўланмаса, ҳужжатлар иқтисодий судига белгиланган тартибда мурожаат қилишга асос бўлади.

3.3.3. «Сув таъминот» ташкилоти қуйидаги ҳолатларда олдиндан хабар қилмасдан сув узатишни тўлиқ ёқи қисман тўхтатишга ҳақли:

а) «Сув таъминот» ташкилотининг электр таъминоти тўхтатилганда;

б) Табиий офатлар рўй берганда;

в) Авария ҳолатларида;

г) Ёнғин чиққан жойларга сув узатишни қўпайтиришга зарурат туғилганда.

3.4. «Сув таъминот»нинг мажбуриятлари:

3.4.1. Сув таъминоти ва оқава суви чиқариб юбориш юзасидан шартнома шартларини бажариш;

3.4.2. Ичимлик ва оқава сув тармоқларининг техник ҳолатини мунтазам равишда назорат қилиб бориш;

3.4.3. Тармоқдаги ичимлик сув сифати мониторингини олиб бориш;

3.4.4. Истеъмолчиларнинг ичимлик ва оқава сув тизимларига уланган ичимлик сув ва оқава тармоқлари, иншоотлари ҳамда қурилмаларининг ҳолатини ва улардан фойдаланилишини мунтазам равишда назорат қилиб бориш, улардан самарали фойдаланишни ташкиллаштиришда истеъмолчиларга амалий ёрдам кўрсатиш;

3.4.5. Истеъмолчилар томонидан суви беҳуда сарфининг олиндини олиш, санаот қорхоналари ва уларга тенглаштирилган қорхоналарда сув бериш бўйича белгиланган лимитларга риоя қилинаётганини мунтазам равишда назорат қилиш;

3.4.6. Сув истеъмоли белгиланган меъёр (лимит)лардан ортиб кетган ҳолатларда «Сув таъминот» ташкилотларига белгиланган тарифларга нисбатан орттирилувчи 10,0 коэффицентни қўллаш;

3.4.7. Оқава сув тизимига окимизлаётган оқоваларнинг сифати мониторингини таъминлаш;

3.4.8. Шартнома шартларига мувофиқ ўз мажбуриятларини бажара олмаган ҳолатларда истеъмолчиға пеня ҳисоблаш;

3.4.9. Истеъмолчиларнинг шартнома шартларига риоя этилмагани масаласи бўйича суд органларига мурожаат қилиш;

3.4.10. Ичимлик ва оқава сув хизматлари тарифларидаги ўзгаришлар ҳақида улар амалда жорий қилинишидан 15 кун аввал оммавий ахборот воситалари ёрдамида истеъмолчиларни хабардор қилиш;

3.4.11. Ичимлик ва оқава сув хизматларини кўрсатишда рўй бериши мумкин бўлган режали тўхтатиш ва узилишлар ҳақида истеъмолчилар узилишлар бошлангунча 10 иш кунидан кечикмай огоҳлантириш.

IV. Тарафларнинг жавобгарлиги

4.1. «Сув таъминот» ушбу шартномага мувофиқ мажбуриятларни бажармасликда ёки лозим даражада бажарилмаган ҳолларда келиб чиққан зарарни, «Истеъмолчи» эса айбли қилмиши оқибатида етказилган ҳақиқий зарар ўрнини қоплаши шарт.

4.2. «Истеъмолчи» қуйидагилар учун жавобгардир:

- Ичимлик сувни ҳисобга олиш асбоби тамгалари бутлиги, айланиш чизиғи жўмраги, гидрант ва бошка сув узатиш мосламаларидаги қисмларининг худудида ва тасарруфида бўлган тамгаланган ҳисоблаш қурилмаларининг бутун сакланиши учун;
- Сув тармоқларига ўзбошимча улашиб олиш, совуқ сувни ҳисобга олиш қурилмаларининг касддан бузилишига йўл қўйиш ҳамда сув ҳисоблаш асбобларидаги кўрсаткичларни ташқаридан аралашган ҳолатлари учун;
- Ўзбошимчалик билан қурилган иншоотлар сабабли тармоқлардаги авариялар бўлган ҳолатларда;
- Дренаж тизми мавжуд бўлса «Истеъмолчи» худудидида жойлашган оқова тармоғига ёмғир ва эриган қор сувларнинг тушишига йўл қўймаслик. Ушбу қондабузарлик аниқланганда «Сув таъминот» ўрнатилган тартибда далолатнома тузади ва ушбу далолатнома «Истеъмолчи»нинг масъулият ва жавобгарлик чорасини белгилаш учун асос бўлиб хизмат қилади;
- Қонунчиликда ўрнатилган бошка ҳолларда.

4.3. «Сув таъминот» қуйидаги ҳолларда жавобгардир:

- Амлдаги меъёрий-ҳуқуқий ҳужжатларнинг талабларига мувофиқ ва қонунчиликда кўзда тутилган бошка ҳолларда;
- «Истеъмолчи»нинг ҳаёти, саломатлиги ва мол-мулкига етказилган зарар учун қонунчиликда ўрнатилган тартиб ва миқдорда;
- Шартнома шартлари ва юклатилган мажбуриятларни бажармаслик.

V. Сув таъминоти ва сув чиқариш хизматлари учун ҳисоблар ва тўловларнинг тартиби

5.1. Ичимлик ва оқова сув таъминоти тизимидан чиқарилган (қабул қилинган) сувнинг ҳисоби ҳисоблаш прибори мавжуд бўлганда, ҳисобга олиш приборининг кўрсаткичларига мувофиқ амалдаги тарифлар бўйича ҚҚСни ҳисобга олган ҳолда амалга оширилади.

5.2 «Истеъмолчи» ичимлик ва оқова сув хизмати учун ҳисобга олиш приборлари мавжуд бўлганда охириги уч ойнинг ўртача сарфи бўйича кейинги ой учун ҳар ойнинг 10-санасига қадар 100 фоиз олдидан ҳақ тўлашни амалга оширишлари лозим.

5.3 Тўловнинг шартномада белгиланган кечиктирилган ҳар бир куни учун истеъмолчи 0,4 фоиз пеня тўлайди. Аммо бу кўрсаткич жами кечиктирилган сумманинг 50 фоизидан ошмаслиги лозим.

5.4 «Истеъмолчи» кейинги ой учун ҳар ойнинг 10-санасига қадар 100 фоиз олдидан ҳақ тўловларни амалга оширмасалар, истеъмолчиларни ёзма равишда хабардор қилган пайтдан бошлаб беш иш куни ўтгандан кейин қарзларни қонун ҳужжатларида белгиланган тартибда истеъмолчиларни ичимлик сув таъминоти ва сув чиқариш хизмати тармоқларидан узиб қўйиш йўли билан ундириш чораларини кўради.

Бундай ҳолларда ёнғиндан сакланиш ва санитария ҳолатлари учун жавобгарлик тўлиқ «Истеъмолчи» зиммасига юклатилади. Сув таъминоти ва оқова сув чиқариш тизимидан илгари узиб қўйилган ҳолларда, уни қайта улашда «Истеъмолчи»дан базавий ҳисоблаш миқдорининг 10 (ўн) баробари миқдоридидаги тўлов қайта улашни амалга оширган ташкилот ҳисобига ундирилади;

5.5. Оқова тизимига келиб тушувчи оқова сувининг миқдори, ичимлик сув тармоғидан етказиб бериладиган ичимлик сув миқдorigа тенг. Марказлашган иссиқ сув таъминоти мавжуд бўлган ҳолларда, истеъмол қилинувчи ичимлик сув миқдorigа оқова сув тармоқлари ҳисоби учун 2,0 коэффиценти қўлланилади. «Истеъмолчи»нинг ўзида сув таъминотининг қурилмалари мавжуд бўлса, оқова сувларининг миқдори ушбу сув қурилмаларининг махсусдорлигига (ўрнатилган ва рўйхатга олинган ҳисоблаш приборларининг кўрсаткичларига) кўпайтирилади. Ички сув таъминоти тизими «Истеъмолчи»нинг шахсий автоном манбаси билан боғлиқ бўлмаслиги лозим.

5.6. Объект эгаси автоном сув таъминоти (қудук, очик сув олиш хавзаси, ирригация тизими)га ва (ёки) марказий оқова тизимидан бошка оқова ташлаш манбаларига эга бўлган ҳолатларда «Сув таъминот» ташкилоти билан шартнома тузиш учун махсус табиий сув объектларидан махсус сув олиш ёки истеъмол қилиш учун рухсатномани қўшимча равишда тақдим этиши зарур.

5.7. Сув таъминотининг хусусий автоном манбаи (артезиан скважинаси, қудук, очик сув хавзаси, ирригация тизими ва бошкалар) мавжуд бўлганда оқова тизимига оқова сувларни оқизиш учун тўловлар ўрнатилган насоснинг ишлаб чиқариш қуввати ёки ўрнатилган ва рўйхатдан ўтказилган ҳисоблаш приборининг кўрсаткичлари асосида амалга оширилади. «Истеъмолчи»га қарашли бўлган автоном сув таъминоти манбаининг ички тизими марказий сув таъминоти тизими билан туташмаган бўлиши шарт.

5.8. Ушбу шартноманинг қўйида келтирилган чорақлик, тахминий истеъмол ва тўлов жадвалида белгиланган миқдордан ошқича ичимлик ва оқова сувлари сарф қилинса, у ҳолда бу ўзгаришлар ёзма тушунтириш билан тасдиқланиб, тўлов амалга оширилади. Истеъмолчи томонидан шартномада кўзда тутилган миқдордан ошқича сарфи бўйича тўлов, тасдиқланган жадвал асосида эмас, балки Истеъмолчининг сув ўлчигичидан амалда ўтган ичимлик суви миқдorigа амалга оширилади (алоҳида жарима қилинган ҳолатларини истисно этган ҳолда) Йил якунида ортқича сарфга йўл қўйилса, у ҳолда бу ҳақда ёзма тушунтириш беришлари ҳамда сарф қилинган ичимлик ва оқова сувлари учун амалдаги таърифни юқори миқдоридидаги тўловларни амалга ошириши лозим.

VI. Алоҳида шартлар.

Йил	1-чорақ	2-чорақ	3-чорақ	4-чорақ	Жами бир йилда
2022 йил бюджет ҳисобидан тўлов	1357	0	0	0	1357

6.1. Объект эгаси ўзгарганда, истеъмолчи объектдан чиқиб кетишдан 7 кун аввал мавжуд қарзларини тўлаб, бу ҳақда «Сув таъминот» ташкилоти билан далолатнома имзолаши шарт. «Истеъмолчи» чиқиб кетгач, сувни ҳисобга олиш прибори, plombаларнинг бутлиги ва қопланмаган дебитор қарздорлик учун жавобгарлик объектнинг янги эгаси зиммасига юкланади.

6.2. Етказиб берилган ёки қабул қилинган ичимлик суви хажми қувурнинг ўтказиш қобилиятидан келиб чиқиб, ойнинг календар кунлари ҳисобидан қуйидаги формула асосида ҳисобланади:

$$Q = M \times F \times \sqrt{2g \times H} \times t$$

бунда: M – 0.60га тенг бўлган зулфин оркали сув сарфи коэффиценти;

F – суюқлик оқиб ўтадиган қувур ёки тешик кесими майдони (ички диаметр бўйича)м²;

g – 9,81 м/сек га тенг бўлган эркин тушиш тезлиги; H – сувнинг метрлардаги босими; t – вақт- 24 соат, секундларда.

Қуйидаги ҳолатларда юқоридаги формула асосида ҳисоб китоб юритилади:

6.2.1. «Истеъмолчи»да сув ўлчаш прибори ва мосламалари йўқ (ёки носоз ҳолатда) бўлган ҳолатларда;

6.2.2. Сув ўлчаш асбоби ёки мосламаси «Сув таъминот»да рўйхатдан ўтмаган тақдирда;

6.2.3. Ичимлик сувидан ўзбошимчалик билан улашиб, фойдаланганда;

6.2.4. Сув ўлчаш асбоби, мосламаси ишдан чиққан, синган, бузилган ҳолатда, сарфланган сув миқдори сўнгги тузилган далолатнома муддатидан янги сув ўлчаш прибори ўрнатилган (рўйхатдан ўтказилган) кунгача ҳисобланади;

6.2.5. «Сув таъминот»нинг сув ўлчаш бўғини диаметри катта бўлганида, уни кичикроқ бўлган мосламага алмаштириш тўғрисидаги талабномаси қондирилмаган ва бажарилмаган ҳолатларда;

6.2.6. Сув ўлчаш асбобнинг ҳисоб-китобини олиб бориш бўғинидаги қўйилган химоя қопламаса (пломбага) рухсатсиз тегилиш натижасида, ичимлик сув сарфини аниқлаш имконияти чегараланганда;

6.3. Ичимлик ва оқова сув тизимларига (жумладан ёнғиндан сакланиш гидрант ва қувурларига) ўзбошимчалик билан улашиб олинган ва фойдаланилган ҳолатлар аниқланганда «Сув таъминот» томонидан далолатнома тузилади ва шу тузилган далолатнома ўзбошимчалик билан улашиб олган шахснинг жавобгарлиги даражасини аниқлаш ва «Сув таъминот»га етказилган зарарни ҳисоблаш учун асос бўлиб хизмат қилади. Бунда:

- тўлов муддати, энг сўнгги тузилган далолатнома санасидан ўзбошимчалик билан улашиб олинган кун санасигача ёки янги сув ўлчаш прибори ўрнатилиб, рўйхатдан ўтказилган кунгача ёки ўзбошимчалик билан улашиб узиб ташланган кунга қадар ҳисобга олинади;

- ўзбошимчалик билан улашиб олинган санадан бу ҳақда маълум бўлган санагача, агар «Сув таъминот» балансидаги тармоқларга улашиб содир этилган бўлса, бу муддат даъво аризаси ёзилган муддатдан ошмаслиги зарур. Агар ўзбошимчалик билан уланган санани топиш, аниқлаш мумкин бўлмаса, бу муддат даъво муддатига тенг деб олинади.

6.4. Техник шартлар 2 йил муддатга бериллади. Белгиланган муддат тугагач буюртмачи (объектни лойхалаштириш ва қуришни бошлаш учун) лойиха муддатини чўздирши ёки янги техник шартларни олиши зарур.

Техник шартлари мавжуд бўлмаган ҳолда ёки муддати ўтган ҳолда, «Сув таъминот» томонидан сув узатиш хизматларини яқунлашга асос бўлади.

6.5. «Истеъмолчи» ичимлик ва оқова сувни тармоқларига улашиш санаси ҳақидаги ҳужжатларни тақдим этмаган ҳолатларда «Сув таъминот» томонидан хоким қарори ва кадастр ҳужжатлари ҳамда шу қабилар асосида ҳужжат билан тасдиқланган улашиш санаси бўйича ҳисоб-китоб қилишга ҳақлидир.

6.6. Ишлатилган ичимлик суви ва қабул қилинган оқова сув учун тўловлар «Сув таъминот» томонидан тақдим этиладиган тўлов талабномалари асосида уларга хизмат қилувчи банклар орқали амалга оширилади. Бу тўловлар «Истеъмолчи» томонидан 3 кунлик муддат ичида акцептсиз тартибда амалга оширилади. Тўловлар ўз вақтида амалга оширилмаган тақдирда «Сув таъминот» кечиктирилган тўловнинг ҳар бир куни учун 0,4 фоиз пеня ёзади ва унинг умумий қиймати асосий тўловнинг 50%дан ошмаслиги лозим.

6.7. Оқова тизимига рухсат этилмаган ёмғир ва эркин қор сувлари окизилаётган, ишлаб чиқариш оқова сувларини «Истеъмолчи»лар томонидан ташлаш тартиби Ўзбекистон Республикаси Вазирлар Маҳкамасининг 2010 йил 3 февраль кунда қабул қилинган 11 сонли қарори билан тасдиқланган «Ишлаб чиқариш оқова сувларини қабул қилиш қоидалари» ҳамда ифлослантирувчи моддаларнинг Ўзбекистон Республикаси шаҳарлари ва бошқа аҳоли пунктларининг оқова тармоқларига нормативдан ортиқча окизилганлиги учун «Истеъмолчи»ларга белгиланган тарифга нисбатан 3 (уч) баробар ортирилувчи коэффициент миқдор тартибда ҳисобланади. Истеъмолчида Ўзбекистон Республикаси Вазирлар Маҳкамаси 2010 йил 03 февралдаги №11 сонли Қарори бўйича белгиланган концентрация миқдори ҳақидаги коммунал-экологик норматив ҳужжат бўлиши керак

6.8. Оқова сувни чиқариб юборишнинг ҳажми ва таркиби бўйича меъёрлар билан белгиланган окизишнинг йўл қўйиладиган чекланган миқдоридан ортиқча оқова сувлар ва ифлослантирувчи моддаларнинг чиқариш тақиқланади.

6.9. Ифлослантирувчи моддаларни нормативдан ортиқча окизганлик учун компенсация тўловларини ҳисоблаб ёзиш тартиби Ўзбекистон Республикаси Вазирлар Маҳкамасининг 2018 йил 11 октябрдаги «Табиатни муҳофаза қилишни таъминлашнинг иқтисодий механизмларини янада такомиллаштириш чора-тадбирлари тўғрисида»ги 820-сон қарорига мувофиқ амалга оширилади.

6.10. Ишлаб чиқаришдаги оқова сувларини қабул қилиш қоидаларига қура, ифлослантирувчи моддаларнинг Ўзбекистон Республикаси шаҳарлари ва бошқа аҳоли пунктларининг оқова тармоқларига нормативдан ортиқча окизилганлиги учун компенсация тўловларини ҳисоблаш тартиби асосида амалга оширилади, ушбу шартномада ва Қоидада белгиланган муддатда дебитор қарздорлик тўланмаган тақдирда «Истеъмолчи» оқова тармоқларидан узиб қўйилади. 2019 йил 1 январдан бошлаб, атроф-муҳитни ифлослантириш ва Ўзбекистон Республикаси ҳудудида чиқиндиларни жойлаштириш учун компенсация тўловларининг канализация ташланмаларига таалуқли қисми Ўзбекистон Республикаси УЙ-жой коммунал хизмат кўрсатиш вазирлиги томонидан Ўзбекистон Республикаси Вазирлар Маҳкамаси 2019 йил 25 мартдаги №247 сонли Қарорига асосан ундирилади.

6.11. Ҳисоб-китобнинг нотўғри қилинганлиги (тарифларнинг нотўғри ҳисобига олинганлиги ва шу каби ҳолатлар) тўғрисида «Истеъмолчи» ёзиладиган эътирознома тўлов ҳужжати олингандан кейин 5 кун муддатда «Сув таъминот»га тақдим этилиши керак. Эътирознома «Истеъмолчи»ни тўлов талабномаси ва ҳужжатда кўрсатилган суммани тўлиқ ва белгиланган муддатда тўлашдан озод қилмайди.

VII. Низоларни ҳал этиш тартиби

7.1. Тарафлар ўртасида шартнома юзасидан келиб чиққан низолар, келишув йўли билан ҳал қилинади.

Агарда икки томонлама келишувга эришилмаса, низолар Ўзбекистон Республикаси қонунчилигига мувофиқ жавобгар давлат рўйхатидан ўтган ҳудуддаги суд органларида кўриб чиқилади.

7.2. Ушбу шартномада белгиланган ҳолатлар юзасидан низо келиб чиққан тақдирда Қонунчиликда белгиланган тартибда ҳал қилинади.

VIII. Форс – мажор

8.1. Агар ушбу шартнома бўйича мажбуриятлар қисман ёки тўлиқ бажарилмаслиги табиат ҳодисалари ва бошқа енгиб бўлмайдиган куч (форс мажор) ҳолатлари (зилзила, сув тошқини, ёнгин, сел, дўл, жала ва бошқа табиий офатлар) натижасида келиб чиқса ва агар бу ҳолатлар музқур шартноманинг бажарилишига бевосита таъсир этса, томонлар бундай бажармаслик учун жавобгарликдан озод этиладилар.

Мазкур шартнома бўйича мажбуриятларни бажариш муддати енгиб бўлмайдиган куч ҳолатлари амал қилган, шунингдек, ушбу ҳолатлар юзага келтирган вақтга мутаносиб равишда узайтирилади.

8.2. Форс-мажор ҳолати мавжуд бўлган томон 3 кун ичида бошқа томонни форс-мажор ҳолати бошланган муддатларни кўрсатган ҳолда ёзма равишда огоҳлантириши лозим.

8.3. Агар форс-мажор ҳолатининг шартнома шартларини бажаришга уч ойдан кўп муддат тўсқинлик қилса, томонлардан бири шартномани бекор қилиш ҳуқуқига эга.

IX. Шартноманинг амал қилиш муддати

9.1 Ушбу шартнома икки нусхада тузилган бўлиб, икки тарафда бир нусхада сақланади.

9.2 Шартнома газначилик бўлинмаларида рўйхатга олинган кундан бошлаб кучга киради ва _____ йилнинг _____ декабригача амал қилади.

X. Тарафларнинг юридик манзили:

«СУВ ТАЪМИНОТ»

«Бухоро Сув таъминоти»МЧЖ

Қорақўл туман филиали

х/р 22 638 000 600 309 412 323

Ипотека банк Бухоро филиали

МФО: 000 88 СТИР: 201 513 859

ОКОНХ: 90213

«ИСТЕЪМОЛЧИ»

Бухоро давлат университети Қоракул академик лицейи

(бюджетдан маблағ олувчи ташкилотнинг номи)

Манзил: _____ Қоракул тумани _____

_____ Дустлик МФЙ Саодат куч уй №01 _____

Тел./факс

_____ 655651989 _____

ш/х* 100010860062307092500079001

бюджетдан маблағ олувчи СТИРи 200878254

ОКОНХ _____ 92120 _____

Газначилик бўлинмаси номи: Ўзбекистон

Республикаси Молия Вазирлиги Газначилиги

Газна х/в: 23402000300100001010

Банкнинг номи: Тошкент шаҳри Марказий

банкнинг ХККМ

МФО: 00014

Газначилик бўлинмаси СТИРи: 201122919

Раҳбар _____ Ф.Жумакулов

(лавозим)

(Ф.И.Ш)

(ИМЗО)

М.Ў



Хизматини аниқлаш: _____ А. Абдураманов
Дилас 150736. 21.06.1998чш.



07.01.2022 даги

Бухоро вилоят "Сувокова" ДУК ва Бухоро давлат университети академик лицейи ўртасида 5997940,00 сўм
умумий суммага тузилган 3 - сонли шартномага

ТЎЛОВЛАР ЖАДВАЛИ*

Боб 079
Шахсий ғазна ҳисобварақ 100010860062307092500079001

сўмда

2022 й. ойлар номи.	Харажатлар тури** (бюджет таснифининг тегишли коди)			Жами
	4224000			
Январь	2 996 760,00			2 996 760,00
Февраль	1 498 380,00			1 498 380,00
Март	1 502 800,00			1 502 800,00
Апрель				
Май				
Июнь				
Июль				
Август				
Сентябрь				
Октябрь				
Ноябрь				
Декабрь				
Жами йил бўйича	5 997 940,00			5 997 940,00

Жами 5997940,00 сўм

Беш миллион тўққиз юз тўқсон етти минг тўққиз юз қирқ сўм 00
тийин
сумма сўз билан

Юқоридаги кўрсатилган суммадан _____ сўм ёки _____% *** шартноманинг умумий суммасидан
_____ % ***20 _____ ойида тўланиши лозим.

(*) — бюджет ташкилоти, бюджет маблағи олувчи ва БМЖ маблағи олувчи томонидан ғазначилик бўлинмасига икки нусхада тақдим этилади;

(**) — бўлим, кичик бўлим ва харажат моддаси кўрсатилади;

(***) — Юқоридаги кўрсатилган суммадан ойига _____% жорий ойнинг _____ санасигача ҳар ойда олдиндан тўланиши лозим (ушбу сатр бюджет ташкилоти, бюджет маблағи олувчи ва БМЖ маблағи олувчи томонидан коммунал хизматлар кўрсатиш, алоқа хизматлари ва қонун ҳужжатларида назарда тутилган ҳар ой доимий равишда товарлар (ишлар, хизматлар) етказиб бериш шартномалари бўйича олдиндан тўловни амалга ошириш ҳолларида тўлдирилади).

Буюртмачи раҳбари



М.Ў.

Буюртмачи бош бухгалтери

(имзо)

Жумақулов Ғолибжон Ҳасанович

Ф.И.Ш.

(имзо)

Тураев Райим Хожикулович

Ф.И.Ш.

Ғазначилик бўлинмасининг
ходими қабул қилди

(имзо)

Буюртмачи ходими
қабул қилди

(имзо)

«__» _____ 20__ й.

«__» _____ 20__ й.